

戊戌六君子遺集

二

蘇子知學

PDG

莽蒼齋詩目錄

卷第一凡四十有八篇

潼關

雪夜

蘭州莊嚴寺

病起

秋日郊外

冬夜

古意

道吾山

江行

角聲

夜泊

別蘭州

馬上作

秋夜

老馬

西域引

登山觀雨

畫蘭

夜成

贈入塞人

和景秋坪侍郎甘肅總督署拂雲樓詩二篇

陝西道中二篇

蛻園

宿田家

洞庭夜泊

隨意

兒纜船并敍

三鴛鴦篇

罌粟米囊謠

泝漢

宋徽宗畫鷹二篇

秦嶺

隴山

六盤山轉饜謠

寄仲兄臺灣

崆峒

自平涼柳湖至涇州道中

驪山溫泉

出潼關渡河

淮陰侯墓

井陘關

盧溝橋

河梁吟

別意

殘魂曲

卷弟二凡五十篇

湘痕詞八篇并敘

古別離

文信國日月星辰祝歌并敘

安慶大觀亭

武昌夜泊二篇

登洪山寶通寺塔

瀟湘晚景圖二篇

殘蠟

覽武漢形勢

武昌踏青詞

鸚鵡洲弔禰正平

詠史七篇

漢上紀事四篇

桃花夫人廟神絃曲三篇

晨登衡嶽祝融峰二篇

公謙

論藝絕句六篇

極蟲歌并敘

湖北巡撫署六虛亭晚眺同饒仙槎作

和仙槎除夕感懷四篇并敘 鄧貞女詩并狀

補遺凡三十有二篇

寄人五絕

蘭州王氏園林五律

白草原五律

隴山道中五律

秦嶺韓文公七絕

又五律

湖水五律

岳陽樓五律

到家七絕二首

山居五律

道旁柳七絕

楓漿橋曉發五律

洞庭阻風七絕

碧天洞五古

怪石歌七古

武關七絕

藍橋七絕

牡丹佛手畫幃七絕

甘肅布政使署憇園秋日七絕

哭武陵陳星五煥奎七絕三首

憇園兩五律三首

馬鳴七絕

秋熱五律

桂花五律

得仲兄臺灣書感賦五律二首

邠州七絕

爲卷二並補遺都百有三十篇

莽蒼蒼齋詩卷第一

東海襄冥氏三十以前舊學弟二種

潼關

終古高雲簇此城
秋風吹散馬蹏聲
河流大野猶嫌東
山入潼關不解平

雪夜

雪夜獨行役
北風吹短莎
凍雲侵路斷
疲馬怯山多
大地白成曉
長溪寒不波
激清杏難問
關塞屢經過

蘭州莊嚴寺

訪僧入孤寺
一徑蒼苔深
寒磬秋花落
承塵破紙吟
潭光激夕照
松翠下庭陰
不盡古時意
蕭蕭雅滿林

病起

蕭齋臥病久起聽咽寒蟬竚立空階上遙看暮樹邊萬山迎落日一鳥墮孤煙秋雨園林好攜筇感逝川

秋日郊外

寒山草猶綠長薄樹全昏鴻雁遲鄉信牛羊識遠邨邊風挾沙起河水拆冰喧野老去何許日斜歸里門

冬夜

班馬肅清霜嚴城暮色涼鐙青一電瞬劍碧兩龍長調角急如語寒星動有芒遙憐諸將士雪夜戍氏羌

古意

鱗鱗日照鴛鴦瓦姑射仙人住其下素手閒調雁柱箏花雨空向湘絃

灑

六幅秋江曳畫繪珠簾垂地暗香凝春風不動秋千索獨上紅樓第一層

道吾山

夕陽戀高樹薄暮入青峰古寺雲依鶴空潭月照龍塵消百尺瀑心斷一聲鐘禪意渺何著啾啾階下蛩

江行

野犬吠叢薄深林知有邨岸荒羣動寂月缺暝煙昏漁火隨星出雲帆挾浪奔櫓聲驚斷夢搖曳起江根

角聲

江漢夜滔滔嚴城片月高聲隨風咽鼓淚雜酒霑袍思婦勞人怨長歌短劍豪壯懷消不盡馬首向臨洮

夜泊

繫纜北風勁五更荒岸舟戍樓孤角語殘臘異鄉愁月暈山如睡霜寒
江不流窅然萬物靜而我獨何求

別蘭州

前度別皋蘭驅車今又還兩行出塞柳一帶赴城山壯士事戎馬封侯
入漢關十年獨何似轉徙媿兵閒

馬上作

少有馳驅志愁看髀肉生一鞭衝暮靄積雪亂微晴凍雀迎風墮饑狼
尾客行休論羈泊苦馬亦困長征

秋夜

何來風萬壑城北湧驚濤衆籟當秋爽孤吟入夜豪寒中雞口噤雨背

雁聲高無夢欲忘曉詩腸轉枯棹

老馬

敗櫪銅聲瘦危崖鐵色高防秋千里志顧影十年勞
厮養封俱貴牛羊氣自豪咸陽原上骨誰是九方皋

西域引

將軍夜戰戰北庭橫絕大漠迴奔星雪花如掌吹血腥
邊風冽冽沈悲角凍鼓咽斷貔貅躍墮指裂膚金甲薄
雲陰月黑單于逃驚沙鏘擊蒼龍刀野眠未一辭征袍
欲曉不曉鬼車叫風中僵立揮大纛又促銜枚赴徵調

登山觀雨

老樹秋陰邨路黯殘霞嶺表夕陽紅人盤絕磴出雲背
鳥墮寒煙沒雨

中入塞萬山青露頂穿林一磬響摩空不應更戀浮生樂好御冷然列
子風

畫蘭

雁聲吹夢下江皋楚竹湘船起暮濤帝子不來山鬼哭一天風雨寫離
騷

夜成

苦月霜林微有陰鏡寒欲雪夜鐘深此時危坐管寧榻抱膝乃爲梁父
吟斗酒縱橫天下事名山風雨百年心攤書兀兀了無睡起聽五更孤
角沈

贈入塞人

一騎龍沙道路開王庭風雨會羣才筆攜上國文光去劍帶單于頸血

來柳外家山陶令宅夢中秋色李陵臺歸舟未忘饒歌興更譜防邊畫

角哀

和景秋坪侍郎甘肅總督署拂雲樓詩二篇

作賦豪情脫幘投不關王粲感登樓煙消大漠羣山出河入長天落日
浮白塔無儔飛鳥迴蒼梧有淚斷碑愁體血魂在樓下驚心梁苑風流

盡欲把興亡數到頭

權權後本
死蕭

金城置郡幾星霜漢代窮兵拓戰場豈料一時雄武略遂令千載重邊

防西人轉饜疲東國

甘肅軍機處設於西
伯八十里皆東
有取於西

之夫
義小南仲何年罷朔方未必儒生解憂樂登臨偏易起旁皇

陝西道中二篇

曾聞剝棗舊風流八月寒蟄四野秋翻恨此行行太早棗花香裏過幽

步
州

虎視龍興竟若何千秋劫急感山河終南巨刃摩天起怪底關中戰伐
多

蛻園

水晶樓閣倚寒玉竹翠描空遠天綠湘波溼影芙蓉魂千年敗草萋平
籠扁舟臥聽瘦龍吼幽花潛向詩鬼哭昔日繁華餘柳枝水底倒挂黃
金絲

宿田家

暮色滿天地征人去未已川原窈迴蕩人煙叢薄裏樹隙款荆扉
坐可喜肫摯存野人繁冗見鄉禮皎月東方來華雲動如水開軒望平
野皓皓一千里鴟號灌木暗蟲荒幽草靡悠然得真我忽忘身在此無

惑古昭氏哀絲棄不理

洞庭夜泊

船向鏡中泊水於天外浮湖光千頃月雁影一繩秋
帝子遺清淚湘纍賦遠遊汀洲芳草歇何處寄離憂

隨意

隨意入深壑山空太古春幽居在何許紅葉自爲鄰
鄰叟吠當門犬橋通隔岸人桃源亦塵境不必有秦民

兒纜船并敘

友人泛舟衡陽遇風舟瀕覆船上兒甫十齡曳舟入港風引舟退連
曳兒仆兒嘵嘵不釋纜卒曳入港兒兩掌骨見焉

北風蓬蓬大浪雷吼小兒曳纜逆風走惶惶船中人生死在兒手纜倒

東坡志林
三鴛鴦篇
曳兒兒屢仆持纜愈力纜糜肉兒肉附纜去兒掌惟見骨掌見骨兒莫
哭兒掌有白骨江心無白骨

三鴛鴦篇

轆轤鳴秋風晚寒日荒荒下秋苑轆轤鳴井水寒三更絡緯嗚井闌鴛
鴦憔悴不成雙兩雌一雄鳴鏘鏘哀鳴聲何長飛飛入銀塘銀塘淺翠
帶結塘水枯帶不絕愁魂夜歎缺月低驚起城頭烏磔磔城頭烏朝朝
飲水鴛鴦湖曾見蓮底鴛鴦日來往忘卻羅敷猶有夫夫怒啄雄雄去
何棲翩然歸來閱此幽閨幽閨匿跡那可久花裏秦宮君知否不如萬
古一邱長偕三白首幽閨人去鐙光寂照見羅幃淚痕溼同穴居然願
不虛歲歲春風土花碧並蒂不必蓮連理不必木蓮可折木可斷癡骨
千年同一束

罌粟米囊謠

罌無粟囊無米室如縣磬飢欲死飢欲死且莫理米囊可療飢罌粟栽
千里非米非粟蒼生病矣

泝漢

漢水落天上飛橈下急灘嗟予泝流者終日半程難前度此行役孤舟
迫歲闌豈期境重歷風雪更漫漫

宋徽宗畫鷹二篇

落日平原拍手呼畫中神俊世非無當年狐兔縱橫甚祇少臺臣似邗
都

禽獸聲中失四京嗷嗷曾笑藝徒精錦繡早作青衣讖天子樊籠五國
城

秦嶺

秦山奔放競東走大氣莽莽青嵯峨至此一束截然止狂瀾欲倒迴其
波百二奇險一嶺扼如馬注坂勒於坡藍水在右丹水左中分星野凌
天河唐昌黎伯伯曰愈雪中假蹇曾經過於今破廟兀千載歲時尊俎
祠巖阿關中之遊已四度往來登此常悲歌仰公遺像慕厥德謂鈍可
厲頑可磨由漢迄唐道誰寄董生與公餘無它公之文章若雲漢昭回
天地光羲娥文生於道道乃本後有作者皆枝柯惟文惟道日趨下賴
公崛起獨沈疴我昔刻厲躡前躅百追不及理則何才疏力薄固應爾
就令有得必坎壈觀公所造豈不善猶然舉世相譏訶是知白璧不可
爲使我奇氣難英多便欲從軍棄文事請纓轉戰腸堪拖誓向沙場爲
鬼雄庶展懷抱無蹉跎生平渴慕矍鑠翁馬革一語心漸摩非曰髮膚

有弗愛涓埃求補邦之訛班超素惡文墨吏良以無益徒煩苛謹再拜
公與公別束卷不復事吟哦短衣長劍入秦去亂峰洶湧森如戈

隴山

古來形家者流談山水云皆源於西北委於東三條飛舞趨大海山筋
水脈交相通我謂水之流兮始分而終合夫豈山之峙兮愈岐而愈弱
吁嗟乎水則東入不極之滄溟山則西出無邊之沙漠錯互乾坤萃兩
隅氣象縱橫浩寥霸昔我持此言密默不敢論足跡徧隴右了了識本
原隴右之山崛然起號召峰巒俱至此東南培塿小於拳雜沓西行萬
餘里漸行漸巨化爲一恍若朝宗匯羣水其上寬廣不可計肉張骨大
狀殊異欲斷不斷勢相蹙誰信人間猶有地譬如亡秦以上之文章鼓
盪寥天仗真氣不復矜言小波磔橫空一往茫無際策我馬曳我裳天

孝義才言
風終古吹琅琅何當直上崑崙巔曠觀天下名山萬疊來蒼茫山蒼茫
有終止吁嗟乎山之終兮水之始

六盤山轉饒謠

馬足蹙車軸折人蹉跌山岌巖朔雁一聲天雨雪輿夫輿夫爾勿噴官
僅用爾力爾胡不肯竭爾不思車中纍纍物東南萬戶之膏血嗚呼車
中纍纍物東南萬戶之膏血

寄仲兄臺灣

孤懸滄海外洲島一螺輕狂颺宵移屋妖霧晝滿城依人王粲恨採藥
仲雍行所願持忠信風波險亦平

崆峒

斗星高被衆峰吞莽蕩山河劍氣昏隔斷塵寰雲似海劃開天路嶺爲

門松擎霄漢來龍鬪石負苔衣挾獸奔四望桃花紅滿谷不應仍問武陵源

自平涼柳湖至涇州道中

春風送客出湖亭官道迢遙接杳冥百里平原經雨綠兩行高柳束天青蛙聲鳥語隨鞭影水態山容足性靈爲訪瑤池歌舞地飄零黃竹不

堪聽

涇州城外傳在

驪山溫泉

周王燧燧燎于原楚炬飛騰牧火昏遺恨千年消不盡至今山下水猶溫

出潼關渡河

平原莽千里到此忽嵯峨關險山爭勢途危石墜窩峭函羅半壁秦晉

界長河爲趁斜陽渡高吟擊楫歌

淮陰侯墓

得葬漢家土於君已厚恩
黥彭俱化醢暴露莽秋原

井陘關

平生忼慨悲歌士今日驅車燕趙間
無限蒼茫懷古意題詩獨上井陘

關

盧溝橋

河流固無定人亦困征鞍殘月照千古
客心終不寒山形依督亢天影

接桑乾爲有臯魚恨重來淚欲彈

七人過時此

河梁吟

沙漠多雄風四顧浩茫茫落日下平地
蕭蕭人影長撫劍起巡酒悲歌

慨以忼東髮遠行遊轉戰在四方天地苟不毀離合會有常車塵滅遠
道道遠安可忘

別意

志士歎水逝行子悲風寒風寒猶得煖水逝不復還况我別同志迢迢
千里閒攬袂泣將別芳草青且歇修塗浩渺漫形分腸斷絕何以壓輕
裝鮫綃縫雲裳何以壯行色寶劍丁香結何以表勞思東海珊瑚枝何
以慰遼遠勤修惜日短墜歡無續時嘉會強相期爲君歌爲君舞君第
行毋自苦

殘魂曲

漆鐙晝暝白玉缸殯宮長掩金屏雙深夜怪鴟作人語白楊蕭蕭苦月
黃殘魂悄立冷露墜酸風搯臉吹紅淚山螢一點照青燐翁仲穩藉莓

苔睡秋花實草覆蟲聲鬼車魃人不行夢煙愁霧織幽徑慘歌嗾怨
淒寒更人生窮達空悲慕金盃荒涼同古墓君不見深林哀唱鮑家詩
曉來魂氣迷江樹

莽蒼齋詩卷第二

東海襄冥氏三十以前舊學弟二種

湘痕詞八篇并敘

悲夫人困籲天豈不信哉余以降大功之喪輟業有閒既終喪乃定
十有五歲至二十有五歲十年之詩爲一卷此十年中時往事易悵
感遂深少更多難五日三喪惟親與故歲以凋謝營營四方幽憂自
軫加以薄俗沴氣隱忠潛滋迂學孤往良獨悵然夫內顧諸家既如
此外顧諸世又如彼故發音鮮宣平之奏摛辭有拂鬱之嗟客歲之
夏仲兄泗生告終海外同母五人偶影坐弔嘗自念閱世既深機趣
渺邈獨茲藝事降鑒自天罔則九重亦勞人瘁士所不默也生於騷
國流連往躅水絕山崩靡可擬似成輓歌八章命曰湘痕詞時光緒
十有六年春三月

亦知百年內此生無久理猶冀及百年雖死如不死豐林秋故凋嘉卉
霜乃委孰謂少壯人一去不可止哀哀父母心有子乃如此

中夜候郵雞晨興戒涂潦靈輻軋軋鳴送子入山道道亦不遑遠山亦
非峻嶒如何一揮手終古音容杳依依河畔柳鬱鬱田中草夙昔同遊
處踐之勞心悄悄復如何幽宮闔人表

今有塗之人其死吾猶歎朔風悴朱秀乃在骨肉閒昔爲連理枝郁郁
桂與蘭今爲泉下土蔓草霜露寒深谷或可陵容光靚無端亦有阡與
隴徒作異物觀忼慨重意氣至此何漫漫英才發奇妙黯然闔一棺與
中者誰子嗟我平生歡

小時不識死謂是遠行遊况爲果行遊詎解軫離憂崇雲西北沒河水
東南流既逝不復合乃知生若浮平居日相習澹焉忘匹儔及其判襟

袂中情摯以周繡襦豈不煖益以雲錦裘珍肴與瓊漿惟恐莫予求依戀亦須臾握手方夷猶奈何物化後淪棄同松楸

纖條茁初穎但知有同根纏附焉與蘿繼起乃相緣同根不相保妻子安足論俯仰周曠宇孰塞此煩冤少小相响煦愛至責亦繁謂是陳腐言掩耳敦其喧良覲會有窮德音不再宣嗟彼日因依胡爲若棄捐倏忽繁霜貫異路各朝昏一處夏屋中一寐榛莽原難及不可代徒令爲弟舅

麗景明朱暉倉庚響深樹萬類欣向榮而獨惻情素誰言陽春時乃是肅殺處弱女戲復哢親串啼以慕縱復日相臨終亦委之去所愛非形骸形骸况難駐聊用酌一觴冥冥或予顧

人生貴適意不以物重輕胸中有哀樂外物詎能分矧彼遺與贈何足

竭其情豈惟情不竭適使憂心縈含淒坐永日所惡贅此生

夙昔有噩夢汎瀾席上涕晨風振林鳴欣幸不勝計奄忽能幾何斯境
遂真泣安知今日悲非我夢中事達觀亦殊暫覺夢終成異欲知泉下
恨蜀魄血猶唳試聆獨征鴻則知生者意

古別離

浮生莫遠離遠離不如死死時猶得執手哢遠離徒爲耳原何高隰何
卑高者綠縵卑塗泥西雲駕雨東雲曦驚蓬捲天起墜羽淪淵池痛楚
與歡樂迢迢兩不知張筵會良辰撤瑟亦茲期誰謂精神通山川莫閒
之

文信國日月星辰硯歌并敘

硯藏醴陵張氏長五寸廣半之博又半之質細膩微白圓暈徑寸黑

白周數重中微黃又中則純白圓勻朗潤皎若秋陽星二一徑分一
半之背暈益大黑白紛錯宛然大地山河影太極圖一徑二分赤白
各半餘類雲霞類沫者乍隱乍見莫得名目右側鐫銘曰瑞石成文
星辰日月不磷不緇始終堅白未署文天祥識昔楊鐵崖以七客名
寮玉帶生居其一吾不知視此奚若而鐵崖不矜細行厥號文妖張
氏實此硯尤願有以副此硯也余舊蓄信國焦兩琴亦曠代罕覲行
出相質而詩以先焉

天地既以其正氣爲河嶽爲星日復以餘氣爲日月星辰之怪石河嶽
精靈鍾偉人偉人既生石亦出吁嗟乎石不自今日而始石亦不自今
日而終信國與之亦偶逢遂令千載見者懷清風當年喋血戎馬中與
爾堅白之質相磨礱方謂事定策爾功天樞一絕徒相從天樞絕坤維

裂潮無信海水竭御舟覆崖山蹶豐隆伐鼓呼列缺雲師狂奔風烈烈
雙輪碎碾蔚藍屑萬星盡向滄溟滅竹如意斷冬青歇疊山之外誰見
節斯時日月星辰安在哉賴此片石獨留不夜之星辰長明之日月

安慶大觀亭

漠漠秋潮送夕暉片雲斜趁水天飛遠山如畫月將上野店初鐙人欲
稀異代忠魂應有淚元 在 忠 宣 公十年血戰感無衣成 豐 團 安霜嚴露
冷猶常事劫火燒殘草不肥

武昌夜泊二篇

秋老夜蒼蒼雞鳴天雨霜星河千里白鼓角一城涼鐙炫新番舶燐噠
舊戰場青山終不改人事費興亡

武漢烽銷日舟因覽勝停江空能受月樹遠不藏星露草逼蛩語霜花

凋雁翎但憂懸磬室兵氣寓無形

登洪山寶通寺塔

頽烏西墮風忽忽吹瘦千峯撐病骨半規江影臥雕弓郊原冷雲結空
綠楚尾吳頭入塵壙一鈴天上懸孤籟憑欄俯見寒鴉背餘暉馱出秋
城外

瀟湘晚景圖二篇

嫋嫋簫聲嫋嫋風瀟湘水綠楚天空向人指點山深處家在蘭煙竹雨
中

我所思兮隔野煙畫中情緒最淒然懸知一葉扁舟上涼月滿湖秋夢
圓

殘嶼

蘇東坡詩
籬落寒深霜滿洲南朝風味憶曾留雁聲淒斷吳天雨菊影描成水國
秋無復文章橫一世空餘鐙火在孤舟魚龍此日同蕭瑟江上蘆花又
白頭

覽武漢形勢

黃沙捲日墮荒荒一鳥隨雲度莽蒼山入空城盤地起江橫曠野竟天
長東南形勝雄吳楚今古人才感棟梁遠略未因愁病減角聲吹徹滿
林霜

武昌踏青詞

陌上春風驄馬嘶鄂君畫舸共逶迤江山和淑歸羣展荆楚嬉遊屬歲
時覓徑雨迷烏舅寺耕煙夢繞白蠶祠命里偏於嫩綠殘紅外宿草

茫茫一愴思

亡次子傳
年庚

鸚鵡洲弔禰正平

雲冥冥兮天壓水黃祖小兒挺劍起大笑語黃祖如汝差可喜丈夫噉
竄偷生固當伏劍斷頭死生亦我所欲死亦貴其所側聞漢水之南湘
水之滸桂旗靡煙赴簫鼓若有人兮靈均甫波底喁喁雙鬼語歲歲江
離哭江涖江涖去鄴城迢迢復幾許有血不上鄴城刀有骨不污鄴城
土鄴城有人怒目視如此頭顱不敢取乃汝黃祖真英雄尊酒相讎意
氣何栩栩蚋者誰彼魏武虎者誰汝黃祖與其死於蚋孰若死於虎魚
腹孤臣淚秋雨蛾眉謠詠不如汝謠詠深時骨已銷欲果魚腹畏魚吐

詠史七篇

始雷奮羣蟄百昌縛春煦乃知造物心大用存喜怒何回功名士屬情
但珪組抗慨策治平試之無一補問其所以乃靈源方自斧喜怒不已

持物終受其罟罟哉魯兩生韜修謝干羽

燄不恤其緯宵中獨汎瀾漆室非明堂乃聞憂國歎矧彼衣縫掖而忘
危於安撫茲意屏營當樂不能歡顧已豈有餘奈此悲憫端先師炳遺
訓果哉末之難

違山果十里蠅蛄豈云喧毋亦競新好古處遂相捐齊國飲醅醪治開
文景先茂陵崇儒術刑徒日以繁嘉種苟不熟不如稊稗焉詩書淺而
獵孰與黃老賢

長安有遊俠飛鞞連錢馳短劍曼胡纓舉世難可雙借問當何往稅駕
趙城東聞有趙主父意氣人所雄引弓衣旃裘鮮卑語亦工長跪前致
詞少安子毋匆胡服豈不好其效亦已窮

宣防迫冬日乃在登封後由來事泰侈災眚與之耦馮夷歌以嬉太白

日見蒞洪水與兵戎兩者自交紐孰爲防川策先戒防民口
獄獄萬戶侯不及獄吏尊干戈旣云戢令甲遂紛紜寥寥三章約恢恢
大度存相國小吏耳購若毋乃勤黃虞邈然逝法以賢於人
杳矣爽鳩樂淒其雍門歌百年倏已徂流慨當如何朔風赴嚴節嘉植
不復華寵利患不得旣得哀始多豈無一可悅生也亦有涯用世苟無
具雖用終蹉跎堂堂兩大夫淹翳同委波

漢上紀事四篇

滄海橫流日長城入款年雁臣皆北向馬市亦南遷冒頓雄心在餘皇
夜語傳耀兵驕未已江上試投鞭
微聞夏元昊少小卽凶殘法令輕戎索威儀辱漢官行看飛殺斃豈是
召呼韓帛樹休相擬熙朝禮數寬

遼兒曾奉使主父竟窺鄰厚德終歸宋無人莫謂秦橋門虛入侍漢室
重和親轉悼南征者淒涼問水濱

蹈海聞高義斯人亦壯哉豈知賓日地猶有報韓椎叢爾蜻蜓國居然
獬豸才一聲燕市筑千古尙餘哀

桃花夫人廟神絃曲三篇

江城寒食冷煙碧兩絲冑柳橫江織帝子靈旗千里遙渚宮玉露蘋花
泣山鬼曉月望桂娥迴風裊裊吹女蘿靈之來兮慘不語銅鼓一聲雙
燕下

神烏啞啞檣上嘯靡雲小旆垂雌霓釀恨爲酒淚爲漿寡婦絲裏絃銅
鞮楚宮闈人何自苦燒瓦不作鴛鴦泥殘陽獨自下章華漢南草樹春
萋萋

紙馬旋地風蕭嘯幽香一縷初振簫十二峯頭寒暮兩秋夢不上巫山
高孤鸞映月飛春靄騎魚撇波下瓊海天河落處是家鄉山上藤蕪望
相采

晨登衡嶽祝融峰二篇

身高殊不覺四顧乃無峰但有浮雲度時時一盪胷地沈星盡沒天躍
日初鎔半勺洞庭水秋寒欲起龍

白帝高尋後三年得此遊芒屨能幾兩踏破萬山秋獨立乾坤迴坐觀
江海流朱陵有遺洞懷古一搜求

公讌

華月流綺疏置酒臨高臺劍佩拂零露冠蓋紛以來園木鬱龍葱清暉
濯氛埃文鱗沒激波馴麋嬉兩階驚颿下織雲瑤瑟聲爲哀賓從請皆

賦繁音潤瓊瑰匪此徑寸翰奚由罄所懷

論藝絕句六篇

萬古人文會盛時紛紛門戶竟何為祥鸞威鳳兼雞鶩一遇承平盡羽

儀離經前代萬白盛王於船國山朝黃不聖知洲史諸學大道儒學外洋紛騰取章不以寶要金石有小所學至無不可

亦偏今故學而論已學

千年暗室任喧騰汪容江甯都中汪魏魏歐邵深魏源龔慶仁自和參龔定王秋瀟閣潭王始是

才萬物昭蘇天地曙要憑南嶽一聲雷衡文陽王唐子已膏少五贊百宋之檢選舊絕新國道朝

往之痛光來出其不其因結人餘然猶其當餘空則絕章千事古句下教此終若身魏役歐於深古觀人定而庵已王至壬於秋任昔容龍南嶽

以世來所凡稱八文家家者然始高得者謂道之謂古魏文晉雖又漢烏魏得亦僅顯目為曰駢駢麗文映發為自饒歐以會東歸道方

奉天與下時之文人符才賦千之夫雖樂麟筆聖若律出墨一守手章使旬元局方促者賦有下方而而不元救體故者學有魏體聘其者歸

總無括異三於代是兩鴻漢文成頭被學以駭駭其文所之為目而以不據欲八受家其之束古道文途於甘不自足絕道於為古八文家而

呼者不深分觀途其所以而益幸則進不與發爭者古文子之名尚途未能曰此除習文云爾其鳴
道又
哉何

蘊齋微意瓣薑陽局師探王秋王鄧之武翩翩斬共驂更有長沙病

齊已俯湘寄澤一時詩思落湖南之論詩詩無於更國向朝上一俊者不淮勝王收子為詩詩能人

扶白頤即所寄學近亦人常歐代關之王秀郭庶可

意思幽深節奏諧朱絃寥落久成灰灞橋兩岸蕭蕭柳曾聽貞元樂府

來新樂二府離工莫者井代何不以數籍蓋近取人擊如李促而仙情外勇徑以直命新樂深府曲名而然辭亦或

其至辭鐵曰柳西色涯黃四堂而止塵往秋見來增長橋是旅眾壁肩壓封一隱舞然月若有墨跡柳拭然殺誦橋

為南繁一馬而人末諫未竟狂名喜不以謂誰所氏見至今樂府恆斯

淵源太傅湖中郎河北江南各擅場兩派江河終到海懷寧鄧與武昌

張判繁不離合書用注達無於美今不國具朝賦郭後張分伯為石二宗近晉人人張得其濟駭創元庶觀幾得其合謀厚

舊曲新翻太古絃雲門高唱蔚廬劉同傳若無小阮精論樂布鼓終喧

大雅前業音律之探說家具正人智珠候今古著律如律求音獨大合樂生於邱賢宗士著律

師音之業考申彬彬平密抗其跡風採人揆而於子史記理訂造大端琴發中議琴論之持制引辨申太劉古良弦生

之通用閱弦備之位而重已於魚是樂之機亦重關切雅馬音和經無微取不繼嗟促始七知數以世傳上琴之諸子皆聲廣方

關與之餘管為紙

極蠹歌并敘

先仲兄手書亦既聯為大卷乃開罪脈望毀於柔口生而不閱死無

幸焉相苦抑何迫耶詩不云乎作此好歌以極反側泫然嗟痛用有

斯篇

中妍不復實外美有餘貌笈策甫豁闢蟬蠹正超越害多終可祛字滅

詎堪校形勢齎鸞龍文采碎圭瑁嗟爾微齒角端然坐侵暴酣豢小人

儒詩禮君子盜么靡朋而從渠魁前以導躬弱惟餒餘援強乃居奧蠹
測未云深蠶食轉相效語澀尙吐吞篇佳益咀嚙至其獨工整卒亦莫
椎剽偶思掇所遺殊復領其妙今想作書時神應先筆到平生雄千夫
茲事真一豹猶然姪華藻况乃見才調溟鯤搏扶搖坎蛙橫責諍仙人
黃鶴舉下士蒼蠅笑顛實理亦宜排擠情可料惟茲藐蠕蠢爲物僅翹
肖箕舌胡爲張鴟吻誰與噪精金旣焚鑠素紈宛衰耗妄謂死易欺蓋
同犯不較遠有萬古期恥爲寸簡悼俯瞰江蒼茫仰觀日焜耀湍流有
詭波健行無私照金薤署琅函歌鐘勒清廟永言懷斷編不息吞汝燭

湖北巡撫署六虛亭晚眺同饒仙槎作

秋雲不能高日暮泊隆棟平楚翳人蹤暗鳥沸寒暝好音一何勤了無
片羽狂寂永未礙喧覺獨乃疑夢臨高意慨忼收遠目縱送野勢浩無

極山形糾相貢遐心撫四海莽眇乘飛鞚

和仙槎除夕感懷四篇并敘

舊作除夕詩甚夥往往風雪羈旅中拉雜命筆數十首不能休已而碎其藁與馬矢車塵同朽矣今見饒君作不覺蓬蓬在腹憶除夕商州寄仲兄風檣抗手別家園家有賢兄感鶴原兄曰嗟予弟行役不知今夜宿何邨風景不殊幽明頓隔歎邑陳言所感深焉亦不自知粗放爾許

斷送古今惟歲月昏昏臘酒又迎年誰知羲仲寅賓日已是共工缺陷天桐待鳳鳴心不死澤因龍起腹難堅寒灰自分終銷歇賴有詩兵鬪
火田

我輩蟲吟真碌碌高歌商頌彼何人十年醉夢天難醒一寸芳心鏡不

塵揮灑琴尊辭舊歲安排險阻著孤身乾坤劍氣雙龍獻喚起幽潛共
好春

內顧何曾足肝膽論交晚乃得髯翁不觀器識才終隱卽較文詞勢已
雄逃酒人隨霜陣北談兵心逐海潮東飛光自撫將三十山簡生來憂
患中

年華世事兩迷離敢道中原鹿死誰自向冰天鍊奇骨暫教佳句屬通
眉無端歌哭因長夜婪尾陰陽賸此時有約聞雞同起舞鐙前轉恨漏
聲遲

鄧貞女詩并狀

貞女名聯姑湖南善化縣人字同縣雉家愷家愷夭貞女夜聞風颯
颯戶牖閒頃之帳鉤鏘然有聲詢得實涕泣持服父母擬奪之卽臥

不食幽憂晝哭髮爲之童卒歸龔氏行時復有聞如昔聲尋歿年二十有六

獨繭之幕鉤珊瑚酸風微曳鳴聲孤陰燐四逼鏡無華鄧女此夕爲貞姑宛然新婦登帷車卽死地下女有家吁嗟死非人所無匪難其竟難其初臨機立斷識所趨果力自策無滯湍安步緩心氣不粗久且彌厲同須臾家人不識疑可渝髮髮凋落中自痛生者可死死者蘇天孫不渡河爲枯俯視斷斷羣小儒孤持一義相牽拘禮所未備義以數嫁殤之禁胡爲乎先聖平情用永圖整齊賢智不肖愚至於精誠有獨徂鬼神無力使勿舒窮今亙古乾坤俱遑計舉世毀與譽堯舜捐讓湯征誅安有往制供追慕六月飛霜冰出魚天行且以回其途不信其心盡信書坐守常例如守株林中挂劍云贈徐鬼安用此將非誣此心旣發不

可慮豈以無濟生時躋况是系屬葭中莘煌煌名義何當辜處士殉國
良艱劬敢云未仕宜謂迂夫婦誼不君臣殊我思夷齊兩匹夫

莽蒼蒼齋詩卷二終

莽蒼齋詩補遺

天發殺機龍蛇起陸猶不自懲而爲此無用之呻吟抑何靡與三十
前之精力敝於所謂考據辭章垂垂盡矣施於世無一當焉憤而發
篋畢棄之劉君淞芙獨哀其不自聊勸令少留且攜拾殘章爲補遺
姑從之云爾光緒二十年十二月也

寄人五絕

邊色蒼茫夜悲歌忼慨餘鯉魚三十六江上報秋書

蘭州王氏園林五律

幽居遠城市秋色滿南郊野水雙橋合斜陽一塔高天教松自籟人以
隱而豪爲覩無懷象苦吟深悔勞

白草原五律

白草原頭路蕭蕭樹兩行遠天連雪暗落日入沙黃石立人形瘦河流
衣帶長不堪戎馬後把酒唱伊涼

隴山道中五律

大壑宵飛兩征輪曉碾霜雲痕渡水溼草色上衣涼淺麥遠踰碧新林
微帶黃金城重回首歸路憶他鄉

秦嶺韓文公祠七絕

綠雨籠煙山四圍水田千頃畫僧衣我來亦有家園感一嶺梨花似雪
飛

又五律

登峰望不極霽色遠霏微古廟留鷗宿征人逐雁歸碑殘論佛骨鐘臥
蝕苔衣何處潮陽界千山立夕暉

湘水五律

天地莽空闊飄然此一舟
野煙因樹起遠水入山流
影事悲今日臨風憶昔遊
樂憂都在眼閒話且登樓

岳陽樓五律

放棹洞庭湖湖空天欲無
登樓望落日曖曖遠邨孤
水氣昏漁浦南風長嫩蒲
君山渺何許青入十眉圖

到家七絕

孤嶺破煙石徑微灣頭細雨鷓鴣飛
有人日暮倚門望應念歸人歸未歸

又

別來三見流火星秋風猿鶴哀前汀
誰知骨月半人鬼惟有亂山終古

青

山居五律

雲生秋谷雨樹拂曉河星自欲闌佳境因之上草亭虛憐一室白坐擁
萬山青爲覓松根史攜鋤種茯苓

道旁柳七絕

破曉寒煙罨畫樓殘蟬低咽不勝秋當年去伴陶彭澤無復斜風細雨
愁

楓漿橋曉發五律

橋上一回首曉風侵骨寒送人意無盡惟有故鄉山野水晴雲薄荒邨
缺月彎役車休未得歲暮意闌珊

洞庭阻風七絕

靈妃作惡石尤頑日暮行人滯往還燒透紅霞天半壁要憑返照赭湘山

碧天洞五古

遠樹小於拳數峰伸似掌一峰起其前濃綠秋自上捫蘿慄巉巖欲往不得往我非慕仙者隨遇寄清賞頽暉薄虞淵征鳥厲高敞振衣踏殘雪樵唱逸幽響

怪石歌七古

神人綠章宵馳奏平明謫下蒼龍宿實地屹然賁奇獸歷萬萬劫猶未宥如何剝落商山右無有鬼物爲留守誰其知者弔荒埃敲火礪角互白晝似此英姿天所富淪沒蒿萊不見售我來幽谷昏黃候覩之不敢攝衣就疑是戰士披甲冑又疑河朔橫行寇若非山魃出世宙定類木

客鼻齟齬北溟大鳥濡其味南華真人短其脰或者驂騑逸內廡昆明
石鯨逃禁固不然天竺亡靈鷲月黑深林獻獫狁心折神駭莫敢嗽樵
乃詔余此石瘠急趨往視顛且仆撫摩歎嗟信良造石兮石兮何拘僂
女蘿紛披帶青綬我與子兮今邂逅殊勝彎弓命鋌鏃手持木杵宣大
叩雷雨夜鳴獅怒吼怪哉補天女媧后此石不鍊絕悠謬地不載兮天
不覆古有樛材石其又自我欽之若危岫濁酒以醉歌以侑石其正我
謬石其歆吾酌其首秀而瘦其腹漏而透其貌陋而縞其氣厚而茂其
膚繡而籀其紀舊而壽天孫過之支機授浮邱遇之納諸袖精衛遇之
翼爲覆初平遇之叱以呪蘇髯供佛重金購米顛再拜祈靈佑今雖棄
錫側清溜欽崎礪硯世罕覩幸而逢我味同臭我其攜爾返巖竇八九
雲夢誰共究高枕江流含爾漱

武關七絕

橫空絕磴曉青蒼
楚水秦山古戰場
我亦湘中舊詞客
忍聽父老說懷王

藍橋七絕

湘西雲樹接秦西
次第名山入馬蹏
自笑瓊漿無分飲
藍橋薄酒醉如泥

牡丹佛手畫幃七絕

妙手空空感歲華
天風吹落赤城霞
不應既識西來意
一笑惟拈富貴花

甘肅布政使署憩園秋日七絕

小樓人影倚高空
目盡疏林夕照中
爲問西風竟何著
輕輕吹上雁來

紅

哭武陵陳星五煥奎七絕

和門長揖將軍客畫舫追隨一笛橫座上頓增知遇感江南蘇柳動公卿

又

霜華滿地小園空一枕河聲慘不東卻憶去年風雨裏秋窗摘阮夜鐙紅

又

蕭蕭白草欲黃昏柿葉搖風淚有痕腸斷依稀舊遊處蟲聲滿地此招魂

憇園兩五律

浙瀝徹今夕哀絃誰獨彈響泉當石咽暗雨逼鏡寒秋氣懸孤樹河聲
下萬灘拂窗驚客話短竹兩三竿

又

憩園三月雨四壁長苔衣積水循階上低雲入戶飛鐘鳴龍欲吼屋漏
鼠常飢一髮青山外層陰送夕暉

又

深林初過雨宛宛碧苔新依岸殘雲溼平橋一水春看山濃似黛種竹
短於人好續齊民術桑麻萬綠勻

馬鳴七絕

邊城苜蓿自秋深何事長隨畫角鳴差勝排班三品料玉階春曙悄無
聲

秋熱五律

長沙號卑溼淫雨况連宵千嶂曉忽霽朝陽秋益驕殘蟬帶暑咽夢鳥
隨枝搖一洗鬱蒸氣乘風借海潮

桂花五律

湘上野煙輕芙蓉落晚晴桂花秋一苑涼露夜三更香滿隨雲散人歸
趁月明誰知小山意惆悵徧江城

得仲兄臺灣書感賦五律

少小思年長年增但益悲我年今廿五四顧竟安之無命愁相慰非才
愧所知猶疑滄海客棲息已高枝

又

連遇荆南別仍空冀北羣十年賡塞曲今日逐燕雲飄蕩嗟如我蜚騰

時望君誰知萬里外蹤跡困塵氛

邠州七絕

棠梨樹下鳥呼風桃李蹊邊白復紅一百里閒春似海孤城掩映萬花

中

莽蒼齋詩補遺終

遠遺堂集外文目錄

初編

述懷詩一

述懷詩二

贈邱文階詩

報鄒岳生書

附錄

先仲兄行述

清故直隸州知州譚嗣襄墓志銘

并敘

譚子泗生哀辭并敘

續編

菊花石秋影硯銘

菊花石瘦夢硯銘

菊花石瑤華硯銘

菊花石觀瀾硯銘

菊花石長秋硯銘

菊花石硯銘

菊花石硯銘

鄒硯銘并敘

停雲琴銘

單刀銘并敘

雙劍銘

讒鼎銘

蕭篋軒像贊

畫像贊

三人像贊并敘

彭雲飛像贊

先從兄馥峯遺像贊并敘

附錄

題先仲兄墓前石柱

輓劉襄勤公

遠遺堂集外文初編

東海襄冥氏三十以前舊學弟三種

敘曰夫憂傷之中人有飄忽衝盪纏沈盤螫挾山嶽之勢挈烈風雷雨之暴舉血氣心知所能勝以幹事者猝不能當其一擊氣息弗然若存若亡抗之則無上按之則無下其來也不得其緒而引之則不可究極合而爲蒼然之感吾平生遭其二焉五六歲時居京師宣武城南與先仲兄俱事畢莼齋師夏雨初霽嬉戲階下兄適他去四顧孑然情不可已遂嗷嗷以哭此其一也後遭死生離異之感輒一形焉仲兄撒瑟之歲以應試挈從子傳簡至京師覽童年之遺跡悵歲月其不淹以今準昔喟焉遠想憶夫煙雨在簾蛙聲夜課或敗葉窸窣霜鐘動宇然鐙共讀意接神親追溯所及方怛怛於中而兄之訃至矣創鉅痛深瞽不省事哭踊略定則志墮形索清刻至骨自願宛

五六歲孺子也於時蒼然之感不可以解當其幽思潛抽莫可告語
道逢林叟耕夫輒欲流涕引與話舊覩禾黍布隴廢塚斷碑以及壞
隔蛛絲皆若與我有一日之好使得見曩之童僕且將視爲肺附而
不能一日離然自恃尙有傳簡在未幾而傳簡亦歿嗚呼機發必先
情極則返折心之痛行三年矣乃克檢仲兄遺文手書一通單辭奪
簡莫成卷帙言行之大見於行述志名及哀誄之文無所離麗命曰
集外文爾光緒十有七年冬十有一月敘

述懷詩一

黃鶴翥雲漢白鶴鳴九皋嗟彼燕雀羣安能測其高息翼荆莽中剝落
傷羽毛一枝亦可借幾疑同鷓鴣瀏瀏飄天風雲路將翔翺高飛語衆
鳥飲啄非吾曹

述懷詩二

海外羈身客影孤模糊誰辨故今吾事如顧曲偏多誤詩似圍棋總諱
輸燕市臂交屠狗輩楚狂名溷牧豬奴放歌不用敲檀板欲借王敦缺
唾壺

贈邱文階詩

拋卻愁魔又病魔一生才力半消磨少年感慨猶如此老日悲涼更奈
何邊月意隨千里遠利大 贈人 右方 邊夜臺心想十年多先生 階 學 十八 年 方 乘憐余

孔李通家子各有傷懷莫放歌

船又 有 聖 心 明 堪 似 鍾 申 骨 天 月 論 立 於 難 俟 於 蒼 水

餘之 快句

報鄒岳生書

來書謹悉每念足下憂貧甚切竊以為過矣人生世間天必有以困之

以天下事困聖賢困英雄以道德文章困士人以功名困仕宦以貨利困商賈以衣食困庸夫天必欲困之我必不爲所困是在局中人自悟耳夫不爲所困豈必舍天下事與夫道德文章功名貨利衣食而不顧哉亦惟盡所當爲其得失利害未足撓我之心強爲其善成功則天此孟子所以告滕文也可見事至於極雖聖賢亦惟任之而已況足下之事尙未至於極哉天壤間自多樂趣安用此長戚戚爲耶又如某事嗣喪不過隨意行之初無成見亦不預期其將來如何純任自然未必不合聖人絕四之道故遇事素無把握惟發端則以此心有愧無愧爲衡若某事請代思之其有愧乎其無愧乎至足下所慮是誠不可解矣昌黎伯夷頌曰舉世非之力行而不惑者天下一人而已蓋古人以理爲斷不聞以人言爲斷心爲我之心安能聽轉移於毀譽哉儻足下必欲

止此事則請深思至理之極以相曉便當伏首聽命也

附錄

先仲兄行述

兄諱嗣襄初名嗣彭字泗生系出春秋時譚子以國爲氏自宋爲閩人明季遷今湖南瀏陽縣曾祖諱經義贈光祿大夫妣氏黎氏李贈一品夫人祖諱學琴贈光祿大夫妣氏毛贈一品夫人父繼洵光祿大夫賜進士出身今甘肅布政使升任湖北巡撫妣氏徐贈一品夫人咸豐七年九月辛卯徐夫人夢蛇而生兄主後從祖祖父諱學新縣學附生贈光祿大夫妣氏彭贈一品夫人兄生四歲始能言同治二年侍徐夫人至京師教以詩書初不在意及責其默誦朗朗不失爲陳大旨略指示卽領悟然頗選事好攀登屋脊上又善騎揮鞭絕塵窮馬力然後止父

師約束嚴終不自戢鞭撻之餘隨以嬉笑或嗤其材劣或稱其天全而識者則以爲志高才挺闊達不矜細節也光緒二年五日之間徐夫人及伯兄仲姊先後亡兄哀毀逾恆而部署喪事有條不紊是年護徐夫人喪歸親屬歿京師者六人皆以歸京師去家幾四千里林麓之阻江河之險南北行者咸惴惴兄以好弄爲人輕皆懼其不勝任而兄戒懼輻娶有虔祖薦至家營葬豐儉不失其宜卜兆高爽時促而事舉前後共葬九棺久暫有序厚薄有差而皆堅實可經久鄉先生翕然稱之曰才而向之輕之者亦稍稍驚異焉四年光祿公之官甘肅送於襄陽時襄陽乏車載行裝皆挽輅御夫亡去乃併所載於他車車遲重御夫嗟怨不前俄又亡數人稅車曠野徬徨無策遠見虛車轉轉然來方謀僦以任重至則兄遣也其謀畫周詳而切中機宜大率類此歸理家政勤

敏異常米鹽錢刀瑣屑之事儒生或鄙而不爲兄乃並核兼綜算無遺策出納棄取權時之贏絀而消息之條理粲然人莫能欺未及十年增置田百餘畝益務爲慷慨好施以義自任嘗言曰用財之道必留有餘以紓一己之力乃能補不足以濟萬物之窮從子某學賈折閱貸數百金償所負族子某死無以殮爲貸錢治喪外家貧窘歲時助之凡義舉必爭先爲人倡而愛才尤切秀才陶甄仰以舉火頻數不厭族戚告匱乏者無弗應由是獲奇士稱而忌其才者竊竊譏議以爲耗祖父業然所費實自己出己無所出不得不稱貸於人人旣以信義重兄咄嗟之頃千金立辦然亦頗負累矣兩次省親甘肅均能有所服助四方函牘及書記得失僮僕勤惰下逮烹飪洒掃之役莫不親察而詳課之讀書精研義理不屑爲章句之學工制藝精密沈鬱近明大家偶爲詩輒鮮

明可喜顧不自惜有作旋棄去尤究心經世學與客談天下事終日不倦其論海防主聯絡海軍首尾一貫其論通商以爲紅茶出口洋煙入口宜皆由官經理蓋彼所需者茶價值低昂權操於彼而我以困洋煙之來既不能止則當核其出入使其權亦操於我可視煙茶之低昂多寡使兩相當以定其值其論兵法尤詳書策所紀戰事殫思詳討究其興廢之故發而爲論皆具卓識所經山川險阻指畫形勝以決主客勝敗之勢證之古書詢之父老以及宿將老兵若合符節其於兵制則主用鄉兵而以武科所取士爲將以武生爲兵斯兵不勞擇而武科亦不虛設十年法犯閩粵當道有民自爲戰之議兄倡義助餉旋聞議和遂中止爲之扼腕太息以爲失此機則長爲人役矣三就鄉試不第十有四年試罷發憤出遊初欲上京師謁選因乏資折而至臺灣臺灣道唐

景崧戚屬也以兄進於布政使沈應奎沈進於巡撫劉銘傳劉一見奇之與縱論時事移晷乃退明日卽委權鳳山縣鹽稅鳳山地居臺南民貧賦重蒞斯土者皆視鹽稅爲利藪分局二十有餘輾轉膠葛不可究詰兄語人曰數月之間司權者三易其人擇而使我我必有以報命乃嚴約章杜侵蝕稅會計勤考覈不數月而弊絕當道深賞其才遂留臺灣候補且欲薦於朝而以改委臺南府鹽務爲信比公牘至而兄歿矣初兄至臺灣道署患寒疾醫云無傷兄笑曰吾腎經絕矣其能久乎作書與其弟嗣同曰吾一病不起豈非天乎願汝善事父以慰我九原之心吾別無長物惟文徵明畫爲友人物當畀還吾負累已償有質劑可證旣而欲移居挽之不可蓋不欲歿於官廨以身累人也歿之日猶與賓從笑談怡然自得卓午移居蓬壺書院逾時而歿時十有五年五月

庚戌也年三十有三夫聖人不輕言命惟於顏淵則曰天於伯牛則曰命豈不以反諸心無可死之道而死及之則誠哉乎其爲天命也昔伯兄之歿也曰吾一病不起豈非天乎今兄亦云兄孝友英篤至性過人彌留之際首以老親爲念平生好交遊重然諾雖一圖畫之微瀕死猶恐遺失以負其初心聰明才力顛沛不衰順受正命而無偷安畏戀之情是可以覘其所養矣羸弱多疾不徹藥物自幼至長每食輒逆遭遇不偶居恆忽忽悲歌感慨以發其堙鬱之氣不祥之機兆於曩昔稱之曰天與伯兄皆無愧辭爾以國子監生充實錄館謄錄議敘通判於河南賑捐報捐鹽運使司提舉銜嗣由新疆巡撫劉錦棠奏保以直隸州知州用妻黎氏子傳煒女二人兄長身玉立容光照人目炯炯如巖下電穎悟絕倫幼見人圍棋試下數子輒勝其偶臺灣語類鳥音久客者

莫辨兄數日卽能效其言善詆諧能言難言之理往往出人意表每當朋好聚談議論風生四座披靡好苦思探索精奧無微不入讀書爲文呻吟如病好學短命有餘惋焉其歿也臺灣大吏歎息不置沈布政尤惜其才鄉之長老曰未必非一鄉之運也嗚呼悲哉他人且爾況其親焉者乎叔弟嗣同以喪歸葬於冷水井之原謹述行誼俟秉筆者采焉

清故直隸州知州譚嗣襄墓志銘并敘

陳永
撰

中鵠門人曰譚嗣襄瀏陽人光祿大夫賜進士出身今甘肅布政使升任湖北巡撫繼洵公次子也其先春秋時列於諸侯自宋以下爲閩人明季遷湘家於茲土世有隱德令聞不炤至光祿公策名天府稱洪族焉光祿公憫從父之不祀援義繼絕命嗣襄後七歲母夫人徐氏攜從京師初嘗怯羸日寢奇佻執梃跳踉夜起升屋馳馬絕塵窮力不止陸

潤庠對策第一之歲光祿公令受業門下觀聽有移遽自歛戰以古方
今殆周處之遇二陸也閒二年唐氏姊卒死喉風徐夫人與伯兄嗣貽
三日繼殞泣血還殯差葬九棺考長達人嘉其誠信未幾光祿公授甘
肅鞏秦階道嗣襄送至襄陽任輦道亡事豫無廢光祿公度堪家政命
歸經紀明發愀焉度隴者再涂中覽戰爭之山川察興廢之吏治規夷
夏之得失權煙茶之消長駸駸乎有遠志矣夫其稟性精明賦才磊落
善勸而易遷過攻而知改故嘗戒以太察則傷於仁輕疑則損於恕徐
度所爲信足以發嗣襄之生徐夫人夢有蛇異故其體修而癯行文婉
誕方物惟肖居恆卷坐曲臥若不自振倏忽感觸蹶興狂歌稠座發議
鋒穎四出尙氣獨前大事尤奮法越之役倡義助邊會和而止憤惋滋
厲鬱居鄉閭靡可自試造端取譬慨振乏絕然以不有私財禮在難越

若酌行潦歎然不自愉快光緒十有四年鄉貢罷黜求自創業言遊九門以戚屬唐景崧爲臺灣道渡海從之假資臺灣自改行省有才難之歎布政使沈應奎一見奇之進於巡撫劉公銘傳與語大悅卽委權鳳山縣鹽稅興革數月劉公曰能宜薦於朝而以改委臺南府安平縣蓬壺官牘始下疵癘已深以十有五年五月庚戌歿於臺南府安平縣蓬壺書院春秋三十有三上官聞之嗟悼彌日嗣襄初名嗣彭字泗生國子監生以實錄館臚錄議敘通判加鹽運使司提舉銜旋保直隸州知州所後王父諱學新縣學附生贈光祿大夫妣彭氏贈一品夫人妻黎氏有子一人曰傳煒女二人踰年二月壬午窀穸十四都冷水井之原良首坤止爲塋禮也昔者嗣貽疾革示諸弟曰其善事父又曰豈非天乎今嗣襄亦云若合符節同母弟嗣同迓孤棺於滄海圖正首於山邱痛

死喪之何威橫八表以安儔睇白雲於秦隴攬遺書而百憂請為銘以刊石儻捐憾於重幽銘曰

悠悠昊天是生才士如何忌之不予修齒齒則不修名則信美季布之諾重於鄉鄰平原之風歆於貴人被服榮問實文其身風流悼歎沒世相保誰曰牖下安於遠道誰曰百年多於速夭土中玉樹昔人傷心杉山之陰無復人琴松聲四起墓門蕭森

譚子泗生哀辭并敘

謝 麟 大 國

光緒十四年譚子泗生與其弟復生秋試報罷復生將回侍親於甘藷泗生則謀北上博一官謁余於長沙湯氏館談移晷惘惘若不忍別余以泗生疏敏之才氣盛而志遠平居慷慨談經濟咸能見其大此行固必有合也益究心於道以立其基其學方進而未已其志殆未可量遂

勉之以不朽而別其明年泗生竟卒於臺灣嗚呼泗生蓋北行以資竭折而南立談動臺撫聽試以事而事治臺撫將聞於朝而泗生遽以病死也豈非天哉豈非天哉泗生伉爽不羈喜任事往者聞馬江之役裂背切齒若私憤方與余謀募邑中萬金助海防餉爲行省倡走書促索檄不數日聞和議成事以未就然當是時司農百方籌餉搜括節縮無弗至至於不得已預支典稅加牙帖度支可謂細極二三大臣僅有能出私財助軍實者令人心泗生之心以毀家紓難則巨款可集衆志可恃朝廷聲威可益震然則泗生之忠憤烏可沒已向使天假之年動心忍性操尺寸柄以報天子視世之營營於利祿以瞻其身家者必大有異也嗚呼何天奪之速耶泗生伯兄癸生恂恂儒雅多究心當世事歲甲戌余應貢京師癸生遇我特厚明年癸生以喉疾暴卒余聞之愴

然今十六年耳泗生又懷才將遇而死何足慟一門之中生才不偶如泗生伯仲皆吾瀏後來之秀而皆不永其年斯真可慟也已泗生既卒復生歸其喪余道遠不及會葬觸緒生哀乃爲之辭曰

劍氣騰其不可淹兮執則閔之豫章生其不可禦兮執則札之天旣畀子以淑姿兮志鬱鬱而弗施瞻皇路以求一遇兮涉瘴海其如飴蒼蒼者信難測兮嗟人生之如客叶壘旒於九泉兮任夜鷗之嘯血

遠遺堂集外文續編

東海寒冥氏三十以前舊學弟三種

叙曰遠遺堂集外文初編爲先仲兄作也吾之哀吾兄也止此乎嗚呼難言矣吾之抒吾哀也筆焉而中止與不止而卒毀其草不知其幾則四五年來獨遊子處仰而歎俯而悲憫方今思昔者心絲之而益孤遇參之而彌舛目之而形枯耳之而聲惻其始也微動而其究也無窮所爲斂口而嘯哆口而歌哭非哭笑非笑輪困樛葛以塞噎於靈臺之中欲筆焉而不能者又不知其幾也嗚呼難言矣少勤業詩然自吾兄之歿氣優而吟不能長音嘽而舉不能數遂一發其迫於不忍者於銘贊有韻之文得若干篇爲遠遺堂集外文續編兼以俗所謂輓聯者附之既成敘其意曰人之於言也非一端而已或近而遠或顯而微或約之入毫髮而無餘或擴之彌邱山而不可盡然

其歸也一固一不一亦一也方其有所觸而興遊焉處焉仰焉俯焉
今焉昔焉心焉遇焉目焉耳焉無往而非其所觸不必其嘯以歌也
不必其哭以笑也無以自解於己益無以授解於人人之聞其言或
愉悅繆悠相去甚遠徐而跡之若有可觀而卒不得其意之所存夫
意之所存己且無以得之又何以爲乎人哉然則余雖久不爲詩而
前此而有作亦若是而已矣繼此而有作亦若是而已矣何也一固
一不一亦一也故吾之哀吾兄也遂止於此嗚呼難言矣光緒十有
九年春正月敍

菊花石秋影硯銘

我思故園西風振壑花氣微醒秋心零落郭索郭索墨聲如昨

墨二
水磨

牛池
掩在葉下
名池之有
曰牛盤其
影其

菊花石瘦夢硯銘

霜中影迷離見夢留痕石一片

製琢小枝厚宛才轉不許可任名石以形之圓天然澤無瑕取

一澹大有如指敵名之曰瘦夢

菊花石瑤華硯銘

投我以瓊英以丹以黃以莫不平

王文質進光緒間次

菊花石觀瀾硯銘

落英之泛泛風行水上渙文不在茲乎才士也夫

任墨其池噴之益甚然序餘

數次浮鱗其上有波瀾奇趣一花

菊花石長秋硯銘

錄為龍爪

秋何長也不隕故不黃也君子之道闇然而日章也銘則譚而贈則王

也王謂信同余縣厥家與石皆瀏陽也以是為龍子之藏也

菊花石硯銘

爲吳小
珊作

謂其頑而又觚謂其逸不隱而文以華墨之墨之當其無湯湯者瀏曰

惟厥家噫信余不余畀而以賸於吳

余硯所爲王信
贈

菊花石硯銘

爲唐琦
照作

身將隱焉用文然其篤實之輝光終不以磨涅掩其真以贈唐筠叟而
銘云云蓋曰如其人如其人

鄒硯銘并敘

鄒岳生畀嗣同硯質黔文質形體如帶兩縱不同之立方不琢不潢製
甚樸野嗟乎斯石之不外飾也有取疏之道焉岳生以其太素之質辱
與賤兄弟遊死生契闊不易其度卒累於嗣同之頑愚爲世所譏鳳兮
鳳兮於鳩奚難而斷金之誼遂逸以山河可云悲哉撫物追悼幸不墜

失竊取虢鐘郟鼎之義名曰鄒硯而系以辭

儵墨兮儵丹式憑茲兮永歎詘然兮雖其聲塊然兮雖其顏而硜硜之
節兮卒以完

停雲琴銘

生爲
作樂
壬

欲雨不雨風颺然秋痕吹入鴛鴦絃矯首輟弄心悄悄同聲念我願我
高騫我馬馴兮我車完堅汗漫八表周九天以琴留君請爲君先

單刀銘并敘

余有雙劍一曰鱗角一曰鳳距取抱朴子之論刀盾戟杖曰知之譬如
鱗角鳳距何必用之也若夫單刀北方之利器絕術亦惟稚川始稱之
且自言乃有秘法其巧入神由來古矣銘以自貽

單刀神者葛稚川譚復後以千有年

雙劍銘

橫絕太空高倚天穹矧伊崆峒
蕤賓之鍊蟻鼻有烈服之有截

讒鼎銘

曾不出刀曾不出薪天下爲秦相割烹

蕭箕軒像贊

神清而華其貧則鶴貌肅而挺其屈則蠖豈存諸中者不足副其外歟
抑時猶未至也故遇之莫人若吾亦負奇表者乃患難憂危日相尋而
致蠹吾與子長爲天棄乎斯已矣而孰謂其才之適宜夫所遭之寥寥
而蕭蕭而漠漠吁嗟乎來者不可期往者不可作匪合孰獲孰獲非合
如無所合也亦無所獲也歸去來兮同我淪落

畫像贊

噫此爲誰嶢嶢其骨棱棱其威李長吉通眉汝亦通眉於是生二十有七年矣幸緋衣使者之不汝追天使將下上帝曰咨其文多恨與制遽然能獨往難可非放之人世稱天縶海枯石爛孤鸞飛

三人像贊并敘

光緒十有九年與饒仙槎李正則同寫照於上海旣而焚輪振槁兩絕於天旋有議饒甚口者詞連嗣同恇懼之餘彌用悵悒遺此戒之云爾三子並立饒者髯右者維李左者譚洸洸之海天所涵於此取別相北南旣南旣北用不成相語以目旁有箝髯乎髯乎爾何談平生已矣來可矜右者闕洫其口緘左者之銘神則監

彭雲飛像贊

莽莽大野天高地卑默寄其間若有所思其思維何請爲陳辭丈夫磊
落千載爲期於時不利庸也奚奇沒齒獨清孰摺其泥永懷前躅信迪
無疲蕭然無人蘭香自吹

先從兄馥峯遺像贊并敘

光緒十有五年冬從子傳簡病且死出其父遺像丐一言人事卒卒未
卽以爲而傳簡歿乃攬掇百十字爲延陵之劍從兄名嗣棻縣學增生
沈默強識能屬文父子皆以憂患促年尤可悲云

吾門不幸耶何以有君吾門幸耶君何以不存超忽厭世若無足羣謂
天蓋高呼之則聞謂君蓋幽有煜其文令譽不忘則庶幾乎睇此不猶
愈於撫遺編而穆然以長勤

附錄

題先仲兄墓前石柱

恨血千年秋後愁聞唱詩鬼

空山片石蒼然如待表阡人

輓劉襄勤公

兄皆弟巡撫新羅時余
其疏體

西域傳是蘭臺一家之書縣度紀師程銘石還應邁前古
東漢人行舉主三年之服深知慙薦剡酒縣何止爲情親

遠道堂集外文續編終